



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Maxima Regum auctoritas in negotio pacis fractæ. Eorum jussu restitui poterant communioni raptiores quos Episcopi eam ob caussam excommunicaverant, ex Ivone; qui adducit locum è Capitularibus ...

urn:nbn:de:hbz:466:1-15591

*Rome, m. lib. 5. c.
14. Sed Iesu s. p.
hac toca Maria.
Non confirmatio
illa condita non
fuit aut. 1102. sed
circa an. 1140. post
Concilium Lat.
can. Innocentij II.*

Ivo ep. 166.

apostolicæ, post Concilium Romanum anno M C I I . publicata : *Principibus autem & dominis terrarum jura sua & consuetudines non contradicimus in terris suis.* Deinde pacis illius infraactæ cognitione Episcopis commissa erat, de Comitum & diœcesanorum confusione, quæ ex pactis conventis legem accipere debet, ut scripsit Ivo Cononi Legato; imò & Comitibus Baronib[us]que diœceseos pars illius cognitionis competebat. Quæ omnia cum bellis publicis comparata disserimen apertum inter utraque constituant ; & jus indicendarum Regibus induciarum, quod ex hac comparatione peteretur, à Romanis Pontificibus abdicant. Bella ista privata à Ludovico immortalis memoria Princeps verita quidem; sed rediviva Philippus V. constantissimus Princeps constitutione sua Tolosæ edita in perpetuum resecuit anno millesimo trecentesimo tertio.

V. Ceterū quantam sibi potestatem in violata pacis negotio Reges Galliarum asserent, colligi potest ex Ivone : qui consultus à Daimberto Senonensi Archiepiscopo, an jubente Rege communionem restituueret cuidam *raptori & facrorum dierum* violatori, id est, infraactæ legis publicæ reo, quæ diebus solennibus præcipue servanda erat, ut dixi, responderet rectè quidem excommunicatum videri, attamen ne Regis animus l[æ]datur, dispensatione utendum esse ; maximè quia rerum temporalium dispensationes Regibus attribute sunt. quare si potest sibi concessa abutantur, monendos quidem esse, sed non exasperandos, divinò que iudicio relinquendos. Vnde concludit restituendam reo communionem ecclesiasticam, laudato famoso illo loco è Capitularibus petito : *si quos culpatorum regia potestas aut in gratiam benignitatis receperit, aut mensæ sue participes fecerit, hoc & Sacerdotum & populorum convenitus suscipere ecclesiastica communione debebit; ut quod principialis pietas recipit, nec à Sacerdotibus Dei extraneum habeatur.*

V. I. Quæri solet quæ sit hujus loci ab Ivone laudati sententia ; an in universum omnibus excommunicatis sit reddenda communionio, quos Rex gratia suæ participes fecerit ; an verò hæc indulgentia certâ quadam specie contineatur. Sanè canon I I I . Toletani Concilij x I I . (cujus verba transcripta sunt in Capitularium libros, & è Capitularibus ab Ivone variis in locis prolatæ) hanc sententiam reddunt, eos qui regni pacem l[æ]serint, statimque patriæ gentis Gothorum turbaverint, aut inferno animo in Regem fuerint, eaque de caussa anathematæab Episcopis proscripti, (quemadmodum decretum est Concilij Toletani I V. canone

LXXIV.) si postea Regis indulgentiam promeruerint, (cujus arbitrio horum criminum venia reservata erat canone V I I . Concilij Toletani v.) eos, inquam, ab Episcopis excommunicatione illa publica solvi debere, & communione ecclesiastica donari. Hæc sunt verba Concilij Toletani x I I . Et ideo quia remissio talium, qui contra Regem, gentem, vel patriam agunt, per definitiones canonicum antiquorum in potestate solum regia ponitur, cui & peccasse noscuntur, adeo nulla se deinceps à talibus abstinebit Sacerdotum communio; sed quos regia potestas &c. Quare dubitandum non erat quin ex hoc Concilij Toletani decreto liberum esset Regi Francorum pacis publicæ infractoribus veniam criminis, quod statum Republicæ l[æ]debat, indulgere; quam sequi debebant Episcopi in solvenda pena ecclesiastica. Quod ita intelligendum est, ut penitentia publicæ & pena canonice indulgentia tribueretur, non autem peccatum quod Deum dimitteretur, nisi reus aliunde in gratiam cum Deo rediret, ut docet Ivo. Hac indulgentia usus erat Ivo ipse erga Gervasium violata pacis reum, quem communioni ecclesiastica reddidit in Curia Paschalii, id est, in conventu regni ad diem Paschalis à Rege Philippo I. indicto. Quod se fecisse pro regia honorificentia, fretum auctoritate legis suprascripta, testatur.

VII. Simile aliquid occurrit in Gallia, ante Concilij Toletani tempora. Prætextus enim Rothomagensis Episcopus à Chilperico Rege delatus inter reos l[æ]sa majestatis apud Synodum Parisiensem anno quingentesimo septuagesimo septimo, cum crimen per calumniam sibi impactum, spe veniam proposita, confessus esset, excidit quidem à communione, licet sacerdotio dejecitus non fuerit, Bertchramno his verbis eum alloquente : *Quia Regis gratiam non habes,* id est, nec nostra caritate uti poteris, priusquam Regis indulgentiam merearis. Post aliquot annos à Rege Guntrachmno susceptus, & convivio ejus adscitus, ad urbem suam regressus est, nullo synodi iudicio habito, quia ei tantum penitentia erat praescripta ; ut Ragnemodus Parisiensis urbis Episcopus suggestus Regi, teste Gregorio Turonomico. Quæ penitentia soluta est solam veniam Regis. Itaque ex usu antiquo Gallorum, & ex verbis Concilij Toletani & Ivonis, ad speciem quæ proposita erat de crimen l[æ]sa & violata Republicæ restringitur necessitas illa dandæ veniam episcopalæ, post Regis indulgentiam. Quod tamen intra hos fines coerceri non debere videtur ex sententia Capitularium ; quæ indefinitè de Culpatis, id est, de reis omnibus, Concilij verba accipiunt, dempta præfatione

*Conc. Tel. I V. c.
75. anno 635.*